



OCCURRENZA D'INFURMAZIUN

davart l'iniziativa per la reintroducziun digl rumantsch surmiran an scola
venderde, igls 26 da zarcladour 2020, allas 20.00,
an sala Grava a Savognin

Stimadas abitantas, stimos abitants

Igl matg 2019 è neida inoltrada en'iniziativa per la reintroducziun digl rumantsch surmiran an scola. Igl cunsegl da scola, la suprastanza communal e l'Uniun Rumantscha Grischun Central èn cunter chella iniziativa e proponan da restar tar igl rumantsch grischun.

Per dar allas persungas interessadas la pussebladad da s'infurmar an detagl davart igls vantatgs e disvantatgs d'ena eventuala midada digl lungatg da scola vign organisada en'occurrenza d'infurmaziun. La dumonda vign alloura sottamessa igl fanadour alla radunanza communal per decisiun.

Program

1. Bavagnaint ed introducziun (mastral Leo Thomann)
2. Preschentaziun da ca. 15 min. davart igls argumaints digl cunsegl da scola e dalla suprastanza communal per restar tar igl lungatg d'alfabetisaziun rumantsch grischun an scola (mastral Leo Thomann)
3. Referat d'impuls da ca. 15 min. dalla vart digl comite d'iniziativa (Simon Bergamin e Linard Candreia)
4. Discussiun agl podi (ca. 30 minutas)
 - Moderatoura: Pia Plaz
 - Participants per igl comite d'iniziativa: Simon Bergamin e Linard Candreia
 - Participants per igl cumegn: Zegna Pittet-Dosch e Marc Decurtins
5. Discussiun (tots)
6. Infurmaziun davart igl ulteriour proceder (mastral Leo Thomann)

Aveis

L'occurrenza d'infurmaziun vign manada per rumantsch. Igl cuntign digls dus referats vign preschento cugl videoprojectour scu usito an tudestg ve dalla teila.

A parteir digls 6 da zarcladour ègl puspe lubia da salvar occurrenzas cun anfignen 300 persungas. Cundiziun è d'observar tschertas prescripziuns an connex cun las maseiras cunter igl coronavirus. Percheigl vign manada er ena glista da preschientscha per garanteir igl schinumno "contact tracing". Persungas tgi on symptoms da corona (p.ex. fevra, toss, etc.) èn supplitgeidas da restar a tgesa.

Per las persungas tgi on betg la caschung d'esser preschaintas chella seira, vign l'occurrenza er trasmessa per livestream (transmissiun via internet). Sur igl link <https://vimeo.com/428124143> ègl pussebel da perseguitar la discussiun direct via computer, tablet, telefonign, etc.

Durant la transmissiun directa pudez Vus far dumondas per e-mail all'adresa leo.thomann@surses.ch.

L'occurrenza vign registrada e pò neir vurdada a parteir digl de siva sur igl madem link digl livestream.

Tinizong, igls 15 da zarcladour 2020

SUPRASTANZA COMUNALA SURSES